

PR O negatiua vrget textus in cap. vnico in fine, de Capellis Monach. in 6. ibi: *Et ex causa rationali amoueri*: Cū loquatur etiam de deputato ad solum exercitium Curæ animarum absque aliqua institutione præcedenti quoad titulum Ecclesiæ, vt notat ibidem Gemin. in princip. vers. notat argumentum, et num. 7. in fine, vers. in eadem glossa. Nam eo ipso quod Episcopus, ad quem spectat admissio, vt quis exerceat curam animarum, illum præuio examine admisit, non debet absque rationali causa amoueri: ne ex hoc colludatur etiam autoritas ipsiusmet Episcopi admittentis, et inferatur iniuria admissio.

Confirmatur ex doctrina Innocentij in cap. insinuante per tot. med. vers. et sic occurrat, &c. Qui Clerici viucentes, quem sequitur Gemin. in cap. præcedenti, colum. 2. sub num. 9. vers. dicit ibi tamen, de officio Ordinarij, in 6. firmant, Monachum in Monachali officio amoueri non posse absque rationali causa.

Et in terminis Capellani ad nutum amouibilis, ne fiat iniuria Episcopo admittenti, & ipsi admissio, firmant Ceuallus com. opinio, quæst. foren. 425. num. 1. et sequen. et sequitur Gonzalez super regul. 8. gloss. 5. §. 6. num. 4. et sequen. A qua opinione non dissensit Rota in vna Paceñ. coram Cardinali. Caualerio, quæ est inter eius impress. 72. num. 4.

Et in proprijs, imò & in fortioribus terminis de deputato nutu ad curam animarum tenuit sacra Congregatio Concilij in vna Hispalensi tenoris sequentis.

EMINENTISSIMI, ET REVERENDISSIMI Domini.

Moniales Discalceata S. Clara oppidi de Bornos Hispalensis Diæcesis petunt de clarari ab hac sacra Congregatione. An Abbatissa, Moniales, & eiusdem Monasterij Patroni possint Presbyteros seculares, vel Regulares, ab Ordinario examinatos, & approbatos ad inseruiendū in audiendis confessionibus monialium, & in administrandū eisdem sanctissimum Eucharistia Sacramentum ad nutum deputatos, amouere: & alios eorum arbitrio ab eodem Episcopo approbandos, quandocūq; ponere? Et quia in Bulla erectionis sanctæ memoriæ Clementis 8. habentor verba sequentia. Per vnum, vel plures Presbyteros idoneos seculares, vel quorumvis Ordinum Regulares, ab eodem Ordinario approbandos, & ad Patronorum, necnon Abbatissæ, & Monialium huiusmodi nutu amouibiles, eidem Monasterio deferuire faciendū: & eiusdem Monasterij Abbatissæ, & Monialium, aliarumq; personarum confessiones audiendū, eisq; Sacramenta Ecclesiastica ministrando &c.

Die xj. Iulij 1626. Sacra Congregatio Cardinalium Concilij Tridentini interpretum respondit. Electionem quidem huiusmodi Sacerdotis spectare ad Abbatissam, Moniales, & Patronos, præuia tamen approbatione Archiepiscopi: illius verò remotionem non esse permissam nisi ex rationali causa, ab eodem Archiepiscopo approbanda.

Et inferioribus terminis de simplici Capellano censuit eadem sacra Congregatio Concilij tenoris sequentis.

Die 17. Februarij 1629. Sacra Congregatio Concilij, &c. censuit: Capellanos amouibiles non posse amoueri absq; causa: & ideo remittendū prudenti arbitrio Eminentissimi Domini Episcopi.

